

不得妄忤者頭破作七分不得全不得水
漿去離本宮宅舍已成富貴吉遷由作大得
所願光榮行來在軍仕宦宜官門戶昌盛百
子千孫父慈子孝男女忠貞兄弟順崇義
仁賢所願如意十方證明行如菩薩得道如
佛佛告阿難若欲安宅露出中庭然四十燈
掃灑燒香一心懺悔禮十方諸佛阿難又白
佛言當何名斯經佛語阿難此經名如來大
悲不可思議神力亦名愍念衆生安宅破魔
神呪佛說經竟大衆歡喜作禮奉行

佛說安宅神呪經

幻師毘陀神呪經

行三
亦云玄師毘陀
所說神呪經

東晉西域三藏竺曇無蘭譯

聞如是一時佛遊於羅閱祇國竹園中鸚鵡
樹間是時有一異比丘於竹園中去羅閱祇
國適在中間道爲毒蛇所齧復爲鬼神所嬈

復爲賊所見劫佛見爾時便往到是比丘所
時幻師毘陀隨佛俱往幻師毘陀即白佛言
我有術甚大神妙今欲爲呪佛言止止毘陀
汝所說莫使有所傷害毘陀白佛言後當來
世當國國相攻伐賊賊更相劫相憎者復更
相劫鬼神亦更相劫毒毒更相害若有比丘
在山中樹下坐披五納衣若在露地坐四輩
弟子當令無有能娆害者皆令安隱當令無
有病痛如是
僧莎梨嚩呢 鬱遮梨 首黎 首黎 拔

提珊提波陀尼 阿裴耶 達予 乙致鞞
闍耶弓拔蹄樓師陀僧莎僚戟 散提波陀
尼曼陀羅聯那 比闍聯那
如是祝斷口語斷諸術斷諸病痛是諸閱叉
皆作此術

須摩鬼 摩訶閱叉 瞿沙難摩訶閱叉
梵摩具摩閱叉 因阿羅具摩訶閱叉 阿
祇眇摩訶閱叉
是諸閱叉在鬼神中尊我字因偷諸相求者
使諸欲病人者害人者我皆使不知處障蔽

亂眼今不見一切人皆使不得其便當爾時
呼言來還持鬼神摩訶還持鬼神來兜勒摩

訶兜勒來因持兜勒羅摩訶因持兜勒羅來
梵摩兜羅摩訶梵摩兜羅來因持兜羅摩訶
因持兜羅來菩陀兜羅摩訶菩陀兜羅來閱

又兜羅摩訶閱又兜羅來阿多得兜勒摩訶

行三

十六

阿多得兜勒來首羅瞿沙兜勒摩訶首羅瞿
沙兜勒我字因偷諸怨家相求便者我皆救
之覆蔽使兩不相見爲繩索所繫縛消滅所
繫縛惡意所繫縛欲醉意所繫縛亂意所繫

縛但歸命佛一切皆得解脫歸命佛時言南
無佛告起作禮而去

幻師毘陀神呪經

佛說辟除賊害呪經

舊失譯人名今附東晉錄

南無佛南無法南無比丘僧南無過去七佛
南無諸佛南無諸佛弟子南無諸師南無諸
師弟子南無默利薜利鬼神王禮是已便說